

ВЛАХОВІСТНИК

ДУХОВНА ГАЗЕТА ДЛЯ ПОДКАРПАТСКИХ РУСИНОВ

Выходить двараз в мѣсяць
каждого 1-го и 15-го.

АДРЕС:
ротенції и експедиції:
РЕДАКЦІЯ „VLAHOVISTNIK“
Uzhgorod, Kapitulska, 3.

ПРЕДПЛАТА:

на рок 12.— К
одно число — 60 К
За границу 20 . К
До Америки 1 Д.

ОБЯВЛЕНИЯ

принимаются по дѣнъ
за 1 сторону .. 100 К
за 1/2 сторону .. 50 К
за 1/4 сторону .. 25 К

Сошествіе св. Духа.

Еще не давно заперлися ворота царства небесного по вознесшом ся Сынъ Божом, а днесъ знов отворяются, чтобы на землю пустити от Христа обѣцянного Духа Святого. В видѣ огненных языков достали днесъ апостолы „Животворящаго“ Духа, кто зато пришов, чтобы оживив одинокождого чоловѣка.

Без Духа Святого якъ бы были бы тотъ апостолы? Христос их за три роки учив, а на конци Юда продає Его, Петро три раз отрекся от Него а апостолы боязливо тѣкають из под креста „страха ради юдейска.“ Так таким апостолам казав Христос: „Шедше дво на змите всѧ языки“ (Ме. I)? Та таки мали бы за воевани цѣлый свѣт для Христа и для науки Его?? Сесь неуксъ, боязливъ, простъ рыбаръ??

Все як перемѣнить ся Сошествiem св. Духа. Боязливъ! Петро смѣло выступить перед цѣлый жидовскій народ, осмѣлить ся пойти до столичного города, Рима и сиды с наибольшою енергіею голосити науку рожнаго Г-а Христа. Подобно, и всѣ другъ апостолы. И все то зато, бо достали „животворящаго“ Духа.

А от того огия запалився цѣлый свѣт! На першу проповѣдь св. Петра 5000 жидов навернулося, у 10—20 роков по сошествіи св. Духа на цѣлом свѣтѣ позната

была христова наука, а года 67 под Нероном тысячи и тысячи жертвовали живот свой за Христа! А днесъ уже в душах 300 миллионов хр.-правосл.-каѳоликов горить поломънь огня, на апостолов сошедшего ся Духа. От дѣло „животворящаго“ Духа!

И мае горѣти и в наших душах. В наших, котрѣ жіеме в темной религійной борьбѣ; котрѣ воюеме против пекелных сил за единство христовой Церкви: „Да будутъ ктъ єдино“ (Іо. ۱).

Най и нас оживляе огень Его, най и нас зробить — як колись апостолов смѣлыми, хоробрыми, защитниками хр.-прав.-каѳол. вѣры; чтобы мы не отступили от науки Христа „страха ради Юдейска“ но если нужно готовѣ были и живот свой отдать за вѣру Христову. И головно чтобы здѣйстнили ся слова нынѣшнаго Кондака: **єгда огненныѧ азыки раздаша въ СОЕДИНЕНИЕ ВСА** призыва чтобы могли на цѣлой Подк. Руси **,СОГЛАСНО славити ксѧватшго Духа.** (6)

ЕПИСКОП АНТОНІЙ В МУКАЧОВѢ.

На праздник Вознесенія Преосв. епископ в супроводѣ каноника др. Шубы и секретаря Стойки поѣхав до Мукачова, чтобы посвятити два новѣ звоны мукачовской гр.-каѳ. церкви. Из сег о поводу вѣрники мукачовскѣ, як и околичнѣ сердечно привитали Архипастыря своего и устроили для него тріумфальное торжество. Епископ в среду в 4. год. прибыв до Мукачова на автомобиль графа Шенборна. Перед Ровногорским мостом под тріумфальными брамами намѣстник Мих. Шуба привѣтствовав епископа, вотки в супроводѣ множества народа пошли в город, перед руську церков. Перед церковю од имени мукачовского гр.-каѳол. прихода Ник. Драгула дир. гимназіи казав промову, на что епископ теплыми словами отвѣтовав. Теперь одна мала гимназистка передала красный букет архипастырови, привѣствующи пару словами достойного гостя. В церкви архидіякон Олексій Коссей — по окончениі короткого богослуженія —

обернувся з привѣствуючою рѣчею до епископа, кто из епископскаго престола подяковав щирый и сердечный привѣт архиепископа и благословляючи притомных отправився на фару.

По сем епископ на автомобилѣ нащивив всѣ знатнѣйшѣ освоя. Попов до римо-каэ. плебана-намѣстника, до римо-каэ. мешахши, до реформатскаго епископа, до жупана, до войскового командиша и т. д.

Другого дня рано одна процесія по другой приходила. *Приходи уже так церков, як всѣ улицѣ около церкви поштѣ опти вѣрниками из сосѣдних сел.*

На службѣ притомна была цѣла интелигенція мукачевска рускии и комманданты войска. Перед службою в церкви сам преосвященныи держав праздничну проповѣдь, а вонка перед персонало о. Мих. Шуба проповѣдав о значенію праздника и торжества собравшомуся народу. На службѣ рускій церковный хор спѣвав прекраснѣ пѣснѣ под веденіем Мих. Ставровскаго, профессора гимназіи.

Под час службы было посвященіе клерика Стефана Голоппи священика, кто потому також участвовав в службѣ сп. літургії виедно с о. каноником Шубою, о. Малицким и Ставровским, ардановским духовником.

На службѣ было выдѣлено апостольское благословеніе, похом обход и по обходѣ посвященіе дзвонов, котрѣ достали ~~нархи~~: Иван и Петро.

На богослуженію было принятіе депутатій в слѣдуючом
порядку: 1. А. Коссей и о. духовники бережской жупы. 2.
Іоан Сабо римо-кат. намѣстник и римо-кат. вѣрники. 3.
Іоан Берточ, реф. епископ и реф. вѣрники. 4. Д-р Алб.
Гергель и городскій магистрат. 5. Вас. Шпеник и учитель-
ства мукачевскаго. 6. Мукачевскѣ вѣрники на чолѣ с Мих. Ве-
негріком, первним куратором и т. д.

На честь епископа А. Коссей архидіякон торжественный
обѣд устроил, на котром притомно было 70 особ из интели-
генціи города. По поводу сего торжества телеграфично при-
шли поздравления любимого президента републики Том. Масарика.

По полудни епископ нащивив вѣрников філіального при-
ходи Подгородъ, где також с великим одушевленіем принимали
шагового гостя.

Понад вечер слѣдовало посѣщеніе интернатов, вечер же притомный быв архипастырь на концертѣ *Червоного Креста*, где також с великою почестію привѣтствовала его публика.

В пятницю перед полуднем епископ пошов до *Росвигова*, потом же до монастыря оо. Василіянов, где архипастырь мог видѣти працьовиту жизнь черцов и радоватися розвитю монашеского житя в своїй епархії.

Вертаючи дому из сей апостолской подорожи, преосвященный загостили и до *Зняцова*, где красна гармонія учителя *Кривенка* и привѣтствуяча бесѣда *Марії Анталіковой* урадовали сердце епископа. Вже 9 годин отбило, коли Его Преосвященство прибыл до Ужгороду.

Рѣдко мог видѣти епископ такое одушевленіе, с яким принимали его в Мукачовѣ. Больше як 10.000 людей голосно свѣдчили, что фронт нашей гр.-каѳ. вѣры около Мукачова крѣпко стоить. Надѣемсяся, что сеся подорож епископа много зробила для укрѣпленія вѣры и для ослабленія темных робот шизматиков. Желательно было бы повторяти такѣ нодорожи на всѣ стороны мукачевскої епархії, чтоб вороги нашѣ видѣли, же жіє еще давна вѣра, Подкарпатских Русинов.

ТРАКТИЧНЫЙ КАТЕХИЗ

Кто сохраняє правду вѣру?

1. Кто сохраняє правду вѣру Христову?

Правду вѣру Христову сохраняє Церковь христіянско-каїдпческа, ибо лишь она пе сбрагла правду вѣру от Христа и Апостолов, а не каєдиць Церкви и не могли од Христа перебрати свою nauку, ибо позднѣйше основавалися, а что ив nauки Христа приняли, то ивмѣняютъ, пе однако учать.

2. Ци велика та ласка Божа быти членом единог правдивої Церкви Христової?

Так есть, быти членом правдивої Церкви Христової о велика ласка Божа, за которую мысме быти благодарными. А кго одступив од

правдивоѣ Церкви, повинен просити для себе ласку просвѣщенія и сейчас вернутися во правдиву Церковь

І. Супруга Германа, богатого патриція (римскаго шляхтича) одстремствовала в Іерусалим ко гробу Спасителя. Коли хотіла переступити порог св. гроба, явилася ей Пр. Дѣва в сопроводѣ многих святых жен и сказала:

Як смѣла ты сюда прийти, коли не еесь наша?

Ібо виши треба, чго тата жона принадлежала ко ереси Семирѣнскай.

На горячу молитву жоны сказала ей Пр. Дѣва:

Кажу тобѣ, недостойна ты вступити, доки не будеш з мною на едной вѣрѣ.

На то патриційка сейчас дала призвати каѳ. священника, щвшила свою готовость быти вѣрницею правдивоѣ Церкви Христової, сложила вѣроисповѣданіе, высловѣдалася и причащися и лишь потом вступила у св. гроба (Ehmig, Neue Gleichnisse, II. 308).

Так е то з кождым еретиком, шизматиком. Они сами себе выкинули из правдивоѣ Церкви Христової. По большоѣ частинѣ лишь недостаток покорности держить их во блудѣ.

Мнеме множество признань тых сильных душ, котрѣ упомянули свой блуд, осудили шизму и вернулися в лоно истинної Церкви.

Шелем Елфинстоп, сын богатоѣ шкотскоѣ протестантской родини, во Франціи ходивши до школы упознав вѣру католицкую и стався ревным вѣрником правдивоѣ Церкви. Коли мали ми умерла, во снѣ явилася ему и сказала:

Счастливый ты, сын мой, что вернув еесь ся во правдиву Церкви, ибо я, желавша умерти в ереси, навѣки пропала (Ehmig, Neue Gleichnisse, III. 151).

Кто оставил ересь и перейшов в каѳ. вѣру, робив то все для того, чтобы жити совершеннѣйше, честнѣйше; но наоборот, школи не сталося, чтобы одступник од правдивоѣ вѣры представив собою моральныи поступ.

Шизматицка Церковь и сама постепенно упадает и развалиєт. Не е и неѣ единости ни в науцѣ, ни в управѣ. Една шизматицка церковь 7 таин має, друга—4, третя—3, една вѣруе в Гомариство, друга нѣт и пр.

2. Коли св. Агаєу за христіянску вѣру осудили, Квинтиліян, заступник цѣсаря на Сицилії звѣдався :

— Ци не ганьбишся ты, донька богатоѣ нямешскоѣ родини, быти христіянкою ?

На то одповѣла свята :

— Славнѣйша е смиренность и служене христіянина, як вся слава и гордость царьов.

И св. Георгій перед своею мученическою смертю так ся молив :

— Хвалу Тебѣ воздаю Господи за велику Твою ласку, что могу умерти во Твоей правдивой вѣрѣ.

И просив Бога, чтобы просвѣтив невѣрных.

Владимір Соловійев, котрый вернувшись из іцизматицкоѣ россійскоѣ церкви у лоно правдивоѣ каѳ. Церкви, о своем наверненіи написав дуже интересантну книгу : „Россія и вселенска Церков“. В той книзѣ между прочими пише :

„В россійской церкви нема правдивоѣ духовноѣ жизни (13).

„Россійска церков одказалася од своеѣ власти и передала еѣ цареви“ (29).

„Из всѣх церковных властей лиш одна каѳолицка зберѣгає постійно и неизмѣнно центральныи и вселенскій характер и спеціально звязана з тою личностю, до котроѣ Христос сказав : „Ты єси Петро и на сьом камени збудую Церков мою и ворота пекельнѣ неодолѣютъ еѣ“ (53).

Мы, котрѣ из ласки Божої есме членами правдивої Церкви Христової, маєме повинность за сie благодѣяніе сердечно благодарити Бога, дальше: молитися за тых братов наших, что заблудили от правды и щиро научати, просвѣщати их !

в.

ІЗ ЖИТЯ СВЯТЬХ

Св. Амброзій и кесарь Феодозій.

Город Фессалоники возстав против кесаря Феодозія. Христіяне отказалися платити дань. Статую кесаря розвалили. На что Феодозій ужасно помстив ся. Больше, як 1000 гражданінов несчастного города—со животом своим покутовали.

Коли кровопролитіє выявило ся, звук гнѣва перейшов державу. Восьмдесятъ годовъ минуло, от коли знак Христа положили на фланы (заставы) державы; а теперь случив ся злочин, подобний временам Калигулы и Нерона. (Гонитель християнов: римскій кесарь.) Християне самъ от себе всъ на святого Амбродія поширили, который в ласцѣ кесаря находився, Его становище про епископа и его слава, яко друга кесарского потребовали, чимо напоминав кесаря на его грѣх.

Неодозій прийшов до города: Майланд. (В Италії.) Св. Амброзій стрѣтив ся з ним (хотячи), та пошов на село и щои апостолу едно письмо, яке цѣлком до сего дѣла тычило ся Гептенько, яко един друг, со выражением пай глубочайшого почуття, яко един подданий и со святостю священника предсташ он Неодозію тот жаль, от котрого млѣютъ серца. Написав му, что не разрѣшить 'го жадный духовник. И он сам не смѣ бы в его присутности Святу Жертву приносити. Сесе недоволюєт ся уже и тогды, если лиш о убіенін едного невинного есть слово. Та якбы дозволило ся в сем случаи, когда о тогих...! о тысяча невиноватых убіенію есть слово. Спомянув му Давида царя и просив 'го, щобы покаяв ся.

Неодозій не покаяв ся за письмом. Чѣбы проуказав, що ему якднай подданий не годен розказовати нѣчим — найближшему прищника пошов кесарь до церкви убраний, во своей архиерейской одежі, со великим спроводничеством. Уже переступив порог предверія и приближал ся ко входу церкви. А тогди св. Амброзій в цѣлой архиерейской одежі став пред ним и со архиерейскою серіозностю казав ему:

„Кесаре, ты не признаеш, что як великое есть преступление, что 'есь изробив. Твоя власть широко господствує, и твоя 'оща изробити всё, что лиш хочеш. Но памятай! И ты чоловѣк, и я мы 'есь Бог и твой Господь! Як 'есь годен стати пред Ним (Богом) з руками от крове каплючими!? Як ты смѣеш Господне приняти и Святу Чашу до твоих уст притуши, яко ты так много невиноватых людей дав забити!? — Покинути покутъ, яку на тя Бог спустить. Согрѣшив есь, як Давид, и и покай ся, як он!“

Кесаръ быв тронутый до серца, чувствовав, что владыка шои свою задачу исполняв, — та вернув ся, со слезами в очах,

Але пройшло уже нѣсколько мѣсяців; кесарь не быв у церкви а владыка в его палатѣ. Уже приближался конец года.

На Рождество Спасителя рано, камерарій кесарскій, им. Руфин найшов кесаря в слезах. Лице Руфина было насмѣшливое. „Ты смѣеш ся“ — казав Ѹеодозій — „та не чувствуеш мою бѣду. Рабам и убогим нынѣ отворена церков; они годны в кажду годину Богу ся молити. Но для мене церков есть затворена!“ — „Не треба с тым так дуже голову сушити“ — думав Руфин — „я уже примушу Амброзія на то, чтобы тебе разрѣшив.“ — „О нѣт“ — казав Ѹеодозій — „я знаю его; он не боит ся переступити кесарску волю, он нич не зробит против Божого закона.“ — „Рад бым видѣти...“ — отповѣв Руфин, та поспѣшив до Церкви.

Св. Амброзій в дверёх церкви стояв. „Что ты тут хочеш?“ — говорив Руфинови — „Ты нарадив кесаря: выдати рѣшеніе на кровоточеніе. Не притискае тебе сеся думка?!“ — „Зараз приходит кесарь“ — казав Руфин — „не отошли (отправи) 'го!“ — „Я 'му запрещу вступити до церкви. А если туранном (убійцем) хоче быти, тогды най мене раз забъе!“

Прибѣг Руфин назад до Ѹеодозія и радив его, чтобы лишився. „С владыком нич не можно упорядити! — „Нѣт,“ — говорив кесарь — „я се далѣе не годен терпѣти. Я хочу зробити то, что он желає!“

Прийшов ид церкви. Став перед св. Амврозійм. — „Я тут Разрѣши ня от грѣхов“. — „Де Твоє розкаяніе?! — звѣдовав св. Амброзій. — „Кажи, что маю робити!“ Владыка радив 'го чтобы выдав рѣшеніе, в смыслѣ котрого от выголосенія смертельного суда, до исполненія того то суда, должно протечи 30 дней. Суд должен быти под сим часом еще раз предложенный и кесарем потвердженый. — Закон сесь появив ся. А кесарь зась получив свое мѣсто во святилищи. *Крѣпковѣрій.*

Из шизматицкого раю.

Один ревный гр. каѳ. з Лопушиного (ж. Марм. округ Воловскій, Юрко Битлян явився перед начальником Кизликом 16-го апрѣля и Кизлик зараз его позвѣдав, же ци подписаний есть он на „православіе“! Битлян казав же нѣт! Начальник му так отвѣтовав: „брешеш, бо ты подписаний“. Коли Битлян

ошти. твердив, же он нигда з своеї волѣ неписався, тогда начальник нап Кизлик уже дуже остро казав: „брешеш ты старый псе, бо ты подписаный“. Разом такій гойк и крик почав на шою, что чути было до сусѣдних канцеларій.

* * *

Оден другій ревный гр. католик Иван Гриплян также пошов до начальника 30-го апрѣля интересоватися, же ци правда е то, что всягды чуе же и он подписаный до „православных“? Кизлик першій раз казав му „я не маю час тобѣ дивити, иди собѣ гет“. Но Иван Гриплян не успокоився с тым и пошов и другій раз требоватьи, чтобы му подивили тоты „православнѣ“ пиши. Начальник му тогда уже острійше сказав, же „аж е запишили и так не хибить, та иди собѣ гет“.

* * *

Федор Крупа 25-го апрѣля перед свѣдками выявив, что он сам чун, коли батюшка в гр. кат. церкви одноѣ недѣлѣ в пасчичих святах казав цѣлой громадѣ: „кто ся назад запишѣ на гр. кат. вѣру, тот достане криминал и церков заперта буде ѹ 10 роков“. (Премудрый Соломон-батюшка!)

* * *

Вто мая рано ревного гр. кат. пѣвца Ивана Микуляка на городѣ змагався Андрей форос староста перестрашовати с тым чтобы лишився своеї гр. кат. вѣры, бо инакше його хоть зашпиць, хоть забіть, а живота не буде мати.

А кто мене запалить? Звѣдовався старосту. „Православнѣ уже тепер так говорять“ — каже он.

* * *

22-го апрѣля интересное дѣло сталося в Торуни, понеже юноша чопонгис потребовав вытяг из метрики, но духовник скликунчиши ѹ то, что метрика еще и до сього дня задержана у Епархии ти не може выдати.

Пошти юноша хлоп до старосты Андрея Фороса обы дав метрику. Староста так як вызнав от нотара, же духовник може ѹ видити вытяг, принес на фару метрику но и старостови майже не дуло и брошили „православнѣ“, бо пришов с ним и оден член ѹ комитету Юрко Полажинец и коли духовник подивився у метрику, старости зараз забравще метрику от духовника, пошов ѿттуди. Словом в Торуни церкъ мекрикаром уже не духовник

но староста есть! А гр. кат. церк. грошъ и на дальше в руках „православных“ кураторов суть!“

От все то перевѣв Главнослужновскій уряд на чолѣ з паном Кизликом, не повинуючися и розказу Шк. Отдѣла.

* * *

22-го апрѣля еще одно интересантно дѣло ся стало.

Предполуднем у 11. год. вернувшись зараз староста опять на фару (с метрикою под плечима), но теперь уже с многими „православными“ и комитетошами. Сказав так: „Пришли комитеты сперти вам ораня“, ибо духовник „смѣв“ загородку свою поорати.

Еден головач зараз примѣтив: „Айно сперти, бо нам передано ушитко и фара и земли и церков и ушитко, мы ся и подписали на то“.

Гр. кат. духовник Антоній Михалович ъм так потолковав, что главнослужный не може передати маєток не свой чужому и ради им, что аж мають против него дачто най идуть до суду!“

Дуже мормотаючи пошли собѣ „комитетоши“ дальше и цѣлый день „радилися“, бо они всѣ такѣ „инструкції доставали, же то не есть духовнико, но ъх громадское“. Нашѣ перестрашенѣ гр. кат. все лишь то гадають: „Ба, что з сего буде?“

* * *

Вот такѣ приличнѣ дѣла допускаютъ собѣ панове в родѣ Кизликов, и Бартуньеком в серединѣ Европы, в демократичной републицѣ, на ганьбу цѣлоѣ администрації Подк. Руси.

Если Цивильна Управа таких „урядников“ и до 24 годин лишить без дисциплинарки в урядѣ, тогды на Подк. Руси перестали вже мати силы законы и чесноты, тогда вже туй настала дика и темна большевикія.

Орел.

Больше раз спомянулисъме в нашей газетѣ о гимнастическом сполку „Орел“, а многим из наших читателей явиться непонимательным, из яких нричин есть нужно коло гимнастического сполку „Сокола“ еще „Орел“. Каждый справедливый каѳолик народно чувствующий, скоро порозуміе, коли познає короткий список розвитія „Орла“.

Основатели мышленки славянско гимнастической суть про нашу републику Тирин (Tyrš) а Фигнер (Fügner) два просвѣщенѣ чехове.

Перва народна гімнгстическа організація быв „Сокол“, котрый с початку участвовав в народно-вѣроисповѣдных проявленіях, святив прaporы, ходив до церкви и т. д. В коротком часу, але то перестало, а починаєся в Соколѣ владѣти: „Вѣруй каждый что хочеш, але до Сокола с тым не ходи“. Не доста то, но позднѣйше Сокол приходить к тому, же, починає спійоватися с „Вольною мышленкою“, котра стремиться унищожити христ.-кает. вѣру. С тым была дана причина к думцѣ отлучитися от Сокола и зорганизовати окремѣшний гімнастический сполок на основѣ христ.-кает. свѣтогляда. Таким способом повстав в 1910. року христіянскій гімн. сполок: Орел.

Между тым Сокол ишов дале на початой дорозѣ и все тишие отдалився от христіянских идеалов; работати на унищоженіе: дня 27. и 28. новембра 1910. выключає организованых каѳоликов из Сокола.

Резолуція говорить: „Ровнож рѣшить общое собраніе, чтобы до жадной едноты соколской не были принятѣ члены христ.-кает. сполков або люде, котрѣ свѣдомо служат интересам Церкви.“

Тота резолуція, конечно, отворила заслѣпленим каѳоликам очи и од того часу великое число свѣдомых каѳоликов иштушило из Сокола и приключилося до Орла.

Яким завзятым непріятелем христіянства починає быти Сокол., видиме из однѣ статї газеты „Lidové Proudy“ под заглавием: „Vzdělávací odbory Sokolstva“ з дня 8. новембра 1912: „Христіянство яко хороба майже 2000 лѣт грызе на корени человѣчества. Христіянство отобрало от нас культуру, зато мусить настати в Соколствѣ очищеніе от идеалов христіянских. В поївніих часах важным обовязком есть прилѣжно робити в том напрямѣ, чтобы каждый знал, что ческое сокольство есть истинно покликано дати христіянству найтяжшу рану. Прийде скоро час, коли гордо скажем: „Кто Чех, тот Сокол, а кто Сокол, тот антихрист“.

На туто статю повстало в том самом року гасло: „Кто христіянин-каѳолик, тот Орел“.

С тым коротко поданѣ причины, почему потребуеме и Орла коло Сокола а кличеме: „Христіянскій народе, пробуди-ся, организуйся и обороняй вѣру твою в христ.-кает. сполку и „Орлѣ“ в народном просвѣщенію к оборонѣ родины.

Где е большинство?

Лист из Копаниного.

Гр.-кает. христіяне давно чекали, коли уже будут шизматики по закону одрікатися от своей отцевской вѣры; знали, что тогда покажеся правда, что у нас е большинство. Доки

сесе приказовали власти, Кенейз сам противився и людей паговоряв, обы ся не выписовали, бо отпишуться и от церковных маєтков.

Теперь Кенейз поддав *Савватію* (ческій—православиый—гуситскій епископ шизматицких русинов), надѣючися, что сяк обжене церков и маєтки в своих руках и обойде выдатки (кељчиги) правнѣ Савватію и замноголѣтствовав у церкви и прочитав якусь утѣшительну буллу, по которой аж теперь уже не буде сесе каєолицка церков и в сей церкви уже больше нѣгда чорт не буде (гр.-каѳ. духовник); и казав, что прийде панство и передасть церков им, большинству законно.

Так и было, у тыждень за тым дали призыв ему и их комитетови до уряду головного начальника, де появився и еден заступник реферату Школного отදлу и поговорив с ними, но *не по их смаку*: что по закону маєтки гр.-каѳ. и от них назад будут одобранѣ, а они тихо мают быти, аж нѣт, прийде на них войско, будуть у темнициах сидѣти, а за кошты їх маєтки будуть спроданѣ.

(Они народови сяк не одкрывают, бо народ бы их зараз лишив, ай иже брешуть).

Кенейз на се знову пошов до Савватія скаржитися, что туй дѣло на оборот, не за большинством, як и Савватій обѣцяв, ай за правою. На то Савватій приказав законно отписатися и сяк показати большинство и ему и власти.

Кенейз выкликав в церкви, что все горазд е, лиш треба нам ся не от віры отписатися, лиш списатися обысме указали епископови колько нас е, бо кто теперь ся не запишє, тот на вѣки обстане папішом, бо уже у нас не будут лиш двѣ віры прав. и папишка.

Принѣс и друкованѣ бланкеты, котрѣ адресованѣ до окр. начальника и которыми каждый одступившій од Христовоѣ вѣры заявляє свой переход до шизматицкой церкви (за бланкет з початку не треба былонич платити, а теперь нагадалися брати по 1 Кч). Каждый выше 18 годов достане окремну бланкету, каждый одступник мав бы ся на бланкетѣ властноручно подписать при двох світках, або чтобы люде не настрашилися подпису, куратор сам подписьвує кожного за рядом, грамотный або нѣт, без того, чтобы имив за перо (и по полю ходят за людьми и силуют писатися). Срок запису от 7-го мая до 27-го. Но с сими записками Кенейз страшно походив. Он раховав на огромное большинство христіян; а при записках выявилось, что так в *Копашњовѣ*, як в *Чумаловѣ* ледва пята або четверта часть селян осмѣлилися законно отречися от Христової гр.-каѳол. вѣры и подписатися на утрату вѣчного спасенія.

Вѣроятно срок и на дале продолжається, бо нѣт с чим ити нѣ до Праги, анѣ до уряду окр. начальника, бо до теперь усе

казав нам же е большинство, а теперь покажеся брехня, а правда и до всягды е гр.-кає. большинства.

Коли Кенейзови залюбилася шизма усе перед народом ревав на гр.-кає. духовников, что они лиш у кочах пробѣгаються; а Кенейз еще лиш $\frac{1}{2}$ года батюшком та уже купив собѣ политурованый коч, бо простый воз трясе, а переже и воз лиш на дорозѣ видѣв.

Остаюся с почтѣніем

М. Гелебан.

ЛИТЕРАТУРА

До редакціи засланъ книжки и часописи:

Em. Žak: *Potřeba Náboženské Výchovy mládeže.*

Авг. Волошин: *Двѣ политичнѣ размовы.* Книжки „Русина“ ч. 3. В сей книжцѣ поданный интересный матеріял о началѣ и стремленіях шизматицких агитаций.

Христіянскій календар на 1923. р. Жовква, печатня ЧСВВ.

Нива. Мъсячник церковный. Содержаніе: Еп. Боян: Перед ювилеем св. Йосафата. Др. Й. Слѣпый: Фотій и Філіпп. Др. Ч. Костельник: Презія Ив. Франка. Ив. Рудович: Основники св. Юра, львовской катедры.

Mіssіonar ч. 5.

Поступ. Студентскій вѣстник, ч. 4.

Posoč. Bož. srdca Jeř. Trnava č. 5.

Der euch. Völkerbund. Wien. 7—8. Mich. d' Herbigny S. I. I.: *Unité dans le Christ.* Roma.

Д. Зубрицкій: Нашъ А. Духновичъ. Пряшевъ. Цѣна 1 Кѣ.

Всѣ сесѣ книжки и часописи можно заказати через Благовѣстник.

НОВОСТИ

— **Женска депутація у Преосв. Епископа.** Союз Руських Ікон Подк. Руси на просьбу побожных вѣрниць зорганизував одну депутатію из 120 особ, котрѣ днѧ 6-го мая появилися у преосв. епископа с просбою: чим скорше переселити чин монахинь Василюшок на територію П. Руси. Преосв. епископ ласкаво приняв депутатію и из своєї стороны все можливое пообѣцав. Но требовав, чтобы члены депутації обезпечили добровольными дарами материальное положеніе сестер. На возваніе епископа всѣ присутнѣ подпи-

сали по 200-300-500 корон выплатити кожного року доки сестры не достануть отповѣдну стalu матеріальну поддержку. (Колесарь Иванова цѣлый свой маєток оферовала на сиротинець монахинь.) В депутатії присутствовало много жон из сосѣдних сел. Мы из своей стороны також приключиме ся до сесо благодатного движенія, бо знаеме, что монахи и монахинѣ много годнѣ гдѣлати около оживленія духовной жизни Подкарп. русинов. По нашим вѣдомостям сестры Василіянки уже мѣсяця септембра отворять в Ужгородѣ оден сиротинець и на мѣсто женской препарандії першу гр.-каѳ. руську Жѣночу Гимназію. Дай Боже, чтобы исполнилося горячое желаніе тысячей и тысячей добрых душ!

— Чекали и дочекали'сме, что тайнѣ вороги Христовой вѣры выступили и против Благовѣстника. Kágrař Fügář-ови не не любить ся наша газета. Се натуральна рѣч, бо мы сме христіянами и русинами, и хочеме тим зостати дале. Сварити ся с сею новинкою не будеме, бо не хочеме меже нашими вѣрниками еще побольшати братску борьбу. Наш отвѣт на всякѣ напады Русской Землѣ, Kágrař Fügář-a и. п. р. подаютъ самѣ читателѣ в тых посланіях, которых пишуть Благовѣстнику. Наше однокое оружіе любов наших читателей, се наша одинока платня и одинокій доказ против всѣх нападеній. Читайте и судѣть! На пр.

Всечестный Отче Редактор!

Я Яков Желем, из глубины сердца прошу Вашой Достойности, обернить ся и моему сердечному прощепію и услыште го и пошлѣть менѣ ту душа спасительну газету Благовѣстник, бо не о покори тѣлесной Ваш прошу, але о душевной, бо знаю добрѣ, что тата газета нас може отримати в вѣрѣ единой православной греко-каѳолической. Еще раз сердечно прошу их достойности и даруйте ми того душенаситяще хлѣба. Услышить мое прошеніе, а высылайте ми даръмо ту газету, бо я на только худобный, сего свѧта богатства так мало маю, же не годен собѣ предплатити тых 12 кор. за ту спасительну газету. А Бог, сотворивий небо и землю заплатить Вам на страшном судѣ Христовом, як повѣсть Прийдѣте к мнѣ благословеннѣ Отца моего и наслѣдуйте царство небесное... бо вы мя накормили, коли и быв голоден.

Iakov Желем
Hažlin p. Bardiov ž. Šariš.
(б)

— Плоды „Православія“. Уже и наша свѧтска интеллигенція утямила, яку то велику шкоду зробили безсовѣстнѣ агитаторы с розширеніем большевицкой-шизматицкой вѣры. От что пише Руська Нива, котра до тепер только из далеку позерала руйнуючу роботу „святого православія“! Шизматицкѣ ,агитаторы довели наш народ до того, что нашѣ селяне так миролюбивѣ и спокойнѣ зачали битися за ключи церковни, за бороды поповськѣ зненавидѣв сосѣд сосѣда, брат брата, муж жону, дѣтина стар-

шину, а старшина дѣтину. Народ грызеся и бѣся, а агитаторы, якъ по большої части и у Бога не вірять, лиш смѣяться в доношь. В послѣдних часах прійшло до еще большого лиха. Агитаторы раздѣлили ту невеличку группу наших селян „православны“ на еще меншъ гуртки и пустили оден гурток на другій, пай межи собою буються. И сѣ справдѣ тепер буються. Воює гурток приклонников чеського „православного“ архіепископа Савватія з гурткои сербського епископа Досифея. Повстає також третя группа, яка не хоче сих обох, бо — каже — треба епископа из самой Греції. Четверта группа з такими „побожными“ людьми як Гагатко кажуть, що епископ мусить быти лиш з самої Москвы, а на разъ заступає тоту православну церков и такого епископа ужгородській зубный лѣкарь Д-р Гомичков. Словом оден тягне до лѣса, другій до бѣса. Вже и жандармерію на себе кличутъ (читай „Русская Земля“ ч. 16), а то все „называєся: для славы“ православной церкви. А кто на том терпить? Наше селянство, бо всѣ его обдурюють та намовляють за... ключі церковнѣ кров проливати. Ци tot Гагатко застановиться колись як много лиха он у нас наробив? Ци гдесь-колись не узвеся в нем совість, что розятрює тут, межи нашим бідним народом религійну боротьбу в XX. віцѣ, коли вже за сих борьбы цѣлый світ забыв?! Доки буде еще надуживати герцеливости нашоѣ?

— Коне „православіе“ в Россіи. Дня 29-ого апр. поддержаній в Москвѣ „православный вселенскій собор“ доказав історій стародавний факт, что в Церкви от Христа отлученой не с силы до дальшоги живота. Розпаде, бо не е в ней Духа святого оживляючого. Умер царь — умре и „православіе“, бо не Христос оживляв, но царьска абсолютистична власть.

Уже сама россійска Церков в *повном розладѣ* явила ся на соборѣ. Предсѣдателем быв патр. Антоній, кого (Грановскій) большевики поставили на патр. престол а правдивого патріарха, Тихона посадили в вязницу. (Не так як колись грецкій іператор св. Игнатія посадив в темницю и фотя поднес на патр. престол?) Из *единой* православной церкви появили ся:

1) „Жива церков“, котра есть сотворенiem совіета с 55 членами. 2) „Апостолска церков“ на чолѣ с протоіерейем Иуденским и 40 заступниками. 3) „Православна евангелицка“ церков с 60 заступниками 4) „Методитска церков“ с епископом Гелеком. Не появив ся *ани еден* из восточных патріархов, ани их заступники, навѣть царьгородскій патріарх Мелетій IV за *чи* заяву, что под жадным условіем не згодить ся на осуждение патріарха Тихона.

На „Соборѣ“ было рѣшено:

1. Патріарха Тихон осуждає ся про протиреволюціонерное шлюпання и усунен из патр. престола. (Из всѣх епископов

только еден голосовав против осуждения Тихона) Вручає ся в у вагу кожного священика быти на услугах совійетской владѣ.

2. Заводить ся и в церковный живот *новий* т. зв. григоріанскій (латинскій) *календар*.

3. Священики не должнѣ носити в публичном животѣ реверенду и можуть обстричи так бороду, як и волося.

4. Епископом меже быти и женатый чоловѣк; повдовѣлѣ священики могутъ и другій раз оженити ся.

В дальших установлень были всякѣ дробнѣйшѣ статуты что до управления новой „свободной“ россійской Церкви.

Так то выпозерае tota колись могуча и сильна Церков! По сему хоть лиш видять и нашѣ заблудженѣ русины, яка „тверда“ tota православна вѣра.

-- **Большевицкій суд над новѣ церковных законов всѣ римским отцом.** Безочливость totы родичи, котрѣ забороняють своим дѣтям учити ся религіи, считають ся явными грѣшниками и ни розрѣшити их в сповѣди, ни похороонити церковною отправою не дозволено.

— **Христіяне организують ся** Дня 6-го мая были в Жилинѣ учреждительнѣ зборы новой словацкой христіянской партії. Нова „христ. соціальна“ партія хоче с чехами в согласіи працювати и отокремити ся от Глинки. Вожд партіи есть посол: Врабец.

— **Церковна кара.** На ос-

Через редакцію „БЛАГОВѢСТНИКА“, можно достати

Зб рник проповѣдей

БОЖЕ СЛОВО

Содержае в собѣ 36 проповѣдей от Пасхи до Успенія Богородицѣ.

Цѣна 12 Кѣ.

РЕДАКТОР-ИЗДАТЕЛЬ:
АВГУСТИН ВОЛОШИН.

ОТВѢЧАТЕЛЬНЫЙ РЕДАКТОР:
ЕМИЛІЯЧ БОКШАЙ.

ТИПОГРАФІЯ АКЦІОНЕРНОГО ТОВАРИСТВА „УНІТ“ В УЖГОРОДІ.